

# Campaña de vacinación antigripal 2015

Instrucción



A información relativa a esta campaña pódese consultar na web temática creada pola Dirección Xeral de Innovación e Xestión da Saúde Pública:

**<http://gripe.sergas.gal>**

**INSTRUCCIÓN: 10/15**

**ASUNTO:**

Instrucións sobre a campaña de vacinación antigripal 2015.

**ORIXE:**

**DIRECCIÓN XERAL DE INNOVACIÓN E XESTIÓN DA SAÚDE PÚBLICA /  
DIRECCIÓN XERAL DE ASISTENCIA SANITARIA**

**DESTINATARIOS:**

Centros de saúde / hospitais públicos / centros de especialidades /  
hospitais e centros médicos privados / residencias da 3ª idade /  
centros penitenciarios / unidades asistenciais de drogodependencias /  
centros de menores e colexios-residencias / residencias de discapacitados /  
outro tipo de centros / xefaturas territoriais da Consellería de Sanidade /  
xerencias do Servizo Galego de Saúde.

**INICIO DA CAMPAÑA: 19 de outubro de 2015**

**FINALIZACIÓN: 19 de decembro de 2015**

# ÍNDICE

|                                                                                                                                                                                |    |
|--------------------------------------------------------------------------------------------------------------------------------------------------------------------------------|----|
| INFORMACIÓN BÁSICA DA CAMPAÑA .....                                                                                                                                            | 2  |
| Introdución .....                                                                                                                                                              | 4  |
| 1. Obxectivos da campaña .....                                                                                                                                                 | 4  |
| 2. Duración da campaña .....                                                                                                                                                   | 5  |
| 3. Poboación diana .....                                                                                                                                                       | 6  |
| 3.1. Persoas con risco de complicacións .....                                                                                                                                  | 6  |
| a) Persoas de 60 ou máis anos, facendo especial fincapé na vacinación das persoas de 65 ou máis anos .....                                                                     | 6  |
| b) Persoas de calquera idade residentes en institucións pechadas (fogares de anciáns e outros centros de atención a crónicos)... ..                                            | 6  |
| c) Nenos e adolescentes (de 6 meses a 18 anos) con tratamentos prolongados de ácido acetilsalicílico .....                                                                     | 6  |
| d) Mulleres embarazadas en calquera trimestre da xestación .....                                                                                                               | 6  |
| e) Persoas menores de 60 anos e maiores de 6 meses que, por teren algunha das seguintes patoloxías, presentan un maior risco de padecer complicacións derivadas da gripe ..... | 6  |
| 3.2. Persoas que lles poden transmitir a gripe a persoas con alto risco de presentar complicacións .....                                                                       | 7  |
| 3.3. Outras persoas nas cales se recomenda a vacinación .....                                                                                                                  | 7  |
| 4. Información técnica sobre as vacinas antigripais .....                                                                                                                      | 8  |
| Composición .....                                                                                                                                                              | 8  |
| Tipos de vacina .....                                                                                                                                                          | 8  |
| Indicación das vacinas .....                                                                                                                                                   | 8  |
| Administración, pautas e doses .....                                                                                                                                           | 9  |
| Imunoxenicidade e efectividade .....                                                                                                                                           | 10 |
| Efectos secundarios .....                                                                                                                                                      | 10 |
| Precaucións e contraindicacións .....                                                                                                                                          | 11 |
| 5. Vacina antipneumocócica (vacina antipneumocócica de polisacáridos) .....                                                                                                    | 13 |
| Composición .....                                                                                                                                                              | 13 |
| Administración .....                                                                                                                                                           | 13 |
| Indicacións .....                                                                                                                                                              | 14 |
| Imunoxenicidade e efectividade .....                                                                                                                                           | 15 |
| Efectos secundarios .....                                                                                                                                                      | 16 |
| Precaucións e contraindicacións .....                                                                                                                                          | 16 |
| Administración simultánea da vacina antigripal, antipneumocócica e outras vacinas .....                                                                                        | 16 |
| 6. Xestión .....                                                                                                                                                               | 17 |
| 6.1 Distribución de vacinas a puntos de vacinación .....                                                                                                                       | 17 |
| 6.2 Recepción das vacinas e mantemento da rede de frío .....                                                                                                                   | 19 |
| 6.3 Rexistro das doses administradas .....                                                                                                                                     | 19 |
| 6.4 Recollida das doses sobrantes .....                                                                                                                                        | 21 |
| <b>ANEXOS</b> .....                                                                                                                                                            | 23 |
| I. Instrucións de uso da vacina intradérmica (Intanza 15®) .....                                                                                                               | 24 |
| II. Coordinadores/as das xerencias de xestión integrada .....                                                                                                                  | 26 |
| III. Xefaturas territoriais da Consellería de Sanidade .....                                                                                                                   | 27 |

# INFORMACIÓN BÁSICA DA CAMPAÑA

- **Data inicio:** 19/10/2015
- **Data finalización:** 19/12/2015

## Poboación diana

- Persoas de 60 ou máis anos, especialmente as de 65 ou máis.
- Internos en residencias de maiores ou centros de atención a crónicos.
- Persoas menores de 60 anos con patoloxías de risco (definidas na instrución).
- Embarazadas, en calquera trimestre da xestación.
- Nenos e adolescentes con tratamentos prolongados de ácido acetilsalicílico.
- Profesionais sanitarios e estudantes en prácticas.
- Persoas que traballan en institucións pechadas.
- Persoal que proporciona coidados domiciliarios a pacientes de risco.
- Membros da familia e conviventes de persoas incluídas nos grupos de risco.
- Persoas que desenvolven traballos esenciais para a comunidade.

## Vacinas da campaña

- **Vaxigrip®:** persoas menores de 75 anos.
- **Intanza 15®:** persoas maiores de 75 anos e maiores de 65 ingresadas en residencias.
- **Pneumovax®:** persoas que cumpren 65 anos e maiores de 65 que non a recibisen con anterioridade.

## Pauta de vacunación

- Unha dose, agás nos menores de 9 anos, que poden necesitar dúas.

## Distribución de vacinas

### Carga inicial de doses

- **Centros de saúde e hospitais públicos:** reciben as vacinas na semana previa ao inicio da campaña sen teren que solicitálas.
- **Restantes centros:** deben realizar a petición das doses que precisen, vía web.

### Días de distribución

- 1ª-2ª semana (19-30 outubro): martes / mércores / venres
- 3ª-4ª semana (3-13 novembro): martes / xoves
- A partir da 5ª semana (16 de novembro): xoves

### Sistemática de peticións

Vía web: [prema nesta ligazón](#)

## Rexistro de doses

- Centros pertencentes á rede do Sergas: módulo habilitado en IANUS.
- Restantes centros: [prema nesta ligazón](#)

## Web temática de gripe

<http://gripe.sergas.gal>

## Teléfonos de contacto

### Xefaturas territoriais da Consellería de Sanidade

- A Coruña: 981 155 822 / 981 082 261
- Lugo: 982 292 117 / 113
- Ourense: 988 066 347 / 332
- Pontevedra: 986 885 826 / 824
- Vigo: 986 817 724 / 233

### Xerencias de Xestión Integrada

- A Coruña-Cee: 981 219 108
- Ferrol: 981 334 018
- Santiago-Barbanza: 981 950 480
- Lugo-Cervo-Monforte de Lemos: 982 296 692
- Ourense-Verín-O Barco de Valdeorras: 988 066 439
- Pontevedra-O Salnés: 986 807 011 - 649 475 785
- Vigo: 986 816 465 / 470

# Introdución

A gripe é unha enfermidade grave, evitable e moi transmisíbel, por este motivo, todos os anos, desde a Consellería de Sanidade, a través da Dirección Xeral de Innovación e Xestión da Saúde Pública e do Servizo Galego de Saúde, lévase a cabo a campaña de vacinación antigripal para persoas de 60 ou máis anos ou outros grupos de risco de xeito totalmente gratuíto.

A vacina da gripe é a única vacina que se reformula cada ano, en resposta á variación constante dos virus gripais, co obxectivo de que os virus incluídos na vacina concorden cos circulantes.

O obxectivo fundamental da campaña é a vacinación das persoas incluídas nos grupos de risco, co fin de acadar unhas coberturas axeitadas nesta poboación que reduzan a súa morbilidade, así como os custos socioeconómicos asociados ao padecemento desta enfermidade.

## 1. Obxectivos da campaña

Os obxectivos que se pretenden acadar nesta campaña de vacinación detállanse a continuación:

### Obxectivo xeral

Minimizar o impacto da gripe na saúde mediante a súa prevención, tentando diminuír o número e a gravidade das complicacións derivadas de padecerla.

### Obxectivos específicos

#### Ofertar activamente a vacinación contra a gripe para:

- Conseguir unha cobertura na poboación de 60 a 64 anos igual ou superior ao 35%.
- Conseguir unha cobertura na poboación de 65 ou máis anos igual ou superior ao 65%.
- Conseguir unha cobertura vacinal nas traballadoras e traballadores sanitarios do Servizo Galego de Saúde igual ou superior ao 35%.



## Obxectivos de xestión

- Conseguir que a porcentaxe de doses recollidas ao remate da campaña sexa menor dun 5% das doses subministradas aos centros.
- Conseguir que a relación entre as doses rexistradas e as utilizadas sexa de máis do 97%.

## 2. Duración da campaña

- Inicio: **19 de outubro**
- Fin: **19 de decembro**



## 3. Poboación diana

### 3.1. Persoas con risco de complicacións

- a) **Persoas de 60 ou máis anos, facendo especial fincapé na vacinación das persoas de 65 ou máis anos.**
- b) **Persoas de calquera idade residentes en institucións pechadas (fogares de anciáns e outros centros de atención a crónicos...).**
- c) **Nenos e adolescentes (de 6 meses a 18 anos) con tratamentos prolongados de ácido acetilsalicílico.**
- d) **Mulleres embarazadas en calquera trimestre da xestación.**
- e) **Persoas menores de 60 anos e maiores de 6 meses que, por teren algunha das seguintes patoloxías, presentan un maior risco de padecer complicacións derivadas da gripe:**
  - Enfermidades do sistema cardiovascular.
  - Enfermidades respiratorias (inclúe asma, displasia broncopulmonar, fibrose cística...).
  - Enfermidades neurolóxicas, neuromusculares ou outros trastornos que dificulten a mobilización de secrecións ou aumenten o risco de aspiración.
  - Enfermidades metabólicas (inclúe diabetes mellitus).
  - Enfermidades renais.
  - Enfermidades hepáticas.
  - Asplenia ou disfunción esplénica.
  - Hemoglobinopatías e anemias.
  - Pacientes con inmunosupresión (incluída a causada polo VIH, medicación, receptores de transplantes...).
  - Pacientes con cancro.
  - Enfermidades ou trastornos que conlevaran disfunción cognitiva (síndrome de Down, parálise cerebral, demencias ...).
  - Persoas con obesidade mórbida (índice de masa corporal  $\geq 40$  en adultos,  $\geq 35$  en adolescentes ou  $\geq 3$  DS na infancia).
  - Persoas portadoras de implantes cocleares ou en espera.



### 3.2. Persoas que lles poden transmitir a gripe a persoas con alto risco de presentar complicacións

- Traballadores de centros sanitarios, tanto de atención primaria como especializada, públicos ou privados, especialmente aqueles que atenden a pacientes de alto risco.
- Estudantes en prácticas en centros sanitarios.
- Persoas que traballan en institucións pechadas, especialmente as que teñan contacto continuo con persoas vulnerables.
- Persoas que proporcionan coidados domiciliarios a pacientes de alto risco ou a persoas maiores.
- Membros da familia e conviventes de persoas incluídas nos grupos de risco.

### 3.3. Outras persoas nas cales se recomenda a vacinación

- Persoas que desenvolven traballos esenciais para a comunidade: forzas e corpos de seguridade do Estado, bombeiros, persoal de protección civil, emerxencias sanitarias, traballadores de institucións penitenciarias...



## 4. Información técnica sobre as vacinas antigripais

### Composición

Vacina trivalente de virus INACTIVADOS (mortos) que conteña os seguintes antíxenos:

- Cepa análoga A/California/7/2009 (H1N1) pdm09.
- Cepa análoga A/Switzerland/9715293/2013 (H3N2).
- Cepa análoga B/Phuket/3073/2013-like virus.

As vacinas non conteñen látex.

### Tipos de vacina

As vacinas antigripais que se subministran nesta campaña son:



- **Vaxigrip®**, laboratorio Sanofi Pasteur MSD: vacina de virus fraccionados e inactivados.
- **Intanza 15®**, laboratorio Sanofi Pasteur MSD: vacina de virus fraccionados, inactivados, de administración intradérmica, **para persoas de 75 ou máis anos, e as ingresadas en residencias, de 65 ou máis anos.**

### Indicación das vacinas

| Persoas                   | Grupo de idade   |                 |                    |
|---------------------------|------------------|-----------------|--------------------|
|                           | Menor de 65 anos | De 65 a 74 anos | De 75 ou máis anos |
| Non institucionalizadas   | Vaxigrip®        | Vaxigrip®       | Intanza 15®        |
| Ingresadas en residencias | Vaxigrip®        | Intanza 15®     |                    |

## Administración, pautas e doses

### VAXIGRIP®

- Esta vacina está autorizada para o seu uso a partir dos 6 meses de idade.
- Vía de administración: intramuscular ou subcutánea profunda.
- En adultos e nenos maiores dun ano, o lugar de elección é o músculo deltoide.
- En lactantes e nenos pequenos é preferible a cara anterolateral da coxa.
- A pauta de vacinación en nenos de 9 ou máis anos e adultos é dunha única dose.
- En nenos menores de 9 anos a pauta varía segundo a idade e antecedente de vacinación:

| Grupo de idade (vacina Vaxigrip®) | Dosificación | Nº de doses |
|-----------------------------------|--------------|-------------|
| 6 - 35 meses (ambos inclusive)    | 0,25 ml      | 1 ou 2*     |
| 3 - 8 anos (ambos inclusive)      | 0,50 ml      | 1 ou 2*     |

\* Aos nenos que reciban a vacina antigripal por primeira vez na súa vida, débenselles administrar dúas doses, **cun intervalo dun mes entre elas.**

### INTANZA 15®

- Esta vacina **só está autorizada en adultos de 60 ou máis anos.**
- Vía de administración: intradérmica.
- O lugar de administración recomendado é o músculo deltoide.
- A pauta de vacinación é dunha única dose.

As instrucións de uso desta **vacina intradérmica** detállanse no anexo I deste documento.

A mellor estratexia para a prevención da gripe e as súas complicacións é a vacinación cada ano



## Inmunoxenicidade e efectividade

A eficacia e a efectividade varía entre un 30-80% dependendo da idade e da inmunocompetencia da persoa, así como do grao de similitude entre os virus contidos na vacina e os virus circulantes.

Aínda así, a vacina da gripe ten un importante beneficio, xa que reduce a frecuencia de complicacións secundarias e diminúe, así mesmo, o risco de hospitalización e morte relacionada coa gripe nos adultos de 60 ou máis anos, con ou sen condicións médicas de risco.

Despois da vacinación, a maioría dos nenos e adultos novos desenvolven títulos de anticorpos que protexen fronte á infección de cepas similares ás incluídas nas vacinas.

As vacinas antigripais son seguras e efectivas




## Efectos secundarios

Os efectos adversos son pouco frecuentes e, cando aparecen, adoitan ser locais e autolimitados.

O efecto secundario máis frecuente é a reacción local (dor, eritema, induración) no lugar da inxección, que dura menos de 48 horas. As reaccións locais aparentes poden ser máis frecuentes coa vacina intradérmica, aínda que se resolven espontaneamente entre 1-3 días tras o seu inicio.

Dado que as vacinas antigripais conteñen soamente virus non infecciosos (inactivados), non poden causar a gripe



Estas reaccións locais, polo xeral, son leves e raramente interfíren coas actividades rutineiras.

Con menor frecuencia, poden ocorrer dous tipos de reaccións sistémicas:

- Febre, malestar, mialxias e outros síntomas sistémicos, que se inician ás 6-12 horas tras a vacinación, e persisten 1-2 días. Aféctanlles máis a miúdo a aquelas persoas non vacinadas con anterioridade.
- Con moi pouca frecuencia poden aparecer reaccións inmediatas (presumiblemente alérxicas), que se manifestan como anxioedema, asma ou anafilaxe. Probablemente, estas reaccións prodúcense por hipersensibilidade a algún compoñente da vacina.

## Precaucións e contraindicacións

- A vacina non se lles debe administrar a persoas con **antecedentes de reacción anafiláctica** a doses previas ou a algún compoñente da vacina.
- No caso de **enfermidade febril severa concorrente**, a vacinación deberase diferir ata que remitan os seus síntomas.

Non obstante, enfermidades menores con ou sen febre non contraíndican o uso da vacina da gripe, polo que nestes casos a vacinación non se debería pospoñer.

- Non existe unha clara evidencia da asociación causal entre a vacina antigripal e a síndrome de Guillain-Barré (SGB). As investigacións realizadas indican que non existe un incremento substancial da incidencia desta síndrome coa vacinación antigripal.


Aínda que se descoñece se a vacinación antigripal pode aumentar o risco de recorrencia da SGB, parece prudente non administrarlle a vacina. No caso de que teñan un risco moi elevado de complicacións gripais graves, haberá que facer unha avaliación risco/beneficio.

- A aplicación da vacina **NON ESTÁ CONTRAINDICADA** en persoas inmunodeficientes calquera que sexa o motivo, dado que as vacinas dispoñibles son vacinas inactivadas e, polo tanto, non existe risco de proliferación viral incontrolada. Tan só se pode esperar unha menor resposta inmune.
- A vacinación **NON ESTÁ CONTRAINDICADA** no período de lactación materna.
- As vacinas dispoñibles están cultivadas en ovos, polo que as persoas que experimentaron hipersensibilidade ao ovo poden ter un risco aumentado de alerxia á vacina antigripal.

As persoas con alerxia ao ovo poden ser vacunadas segundo o esquema que se amosa a continuación, tendo en conta que nesta campaña se adquiriu un número de doses de vacina preparada en cultivo celular (OPTAFLU®) que pode ser utilizada en persoas con alerxia severa ao ovo seguindo as indicacións especificadas a continuación.

**OPTAFLU®**, laboratorio Novartis and Diagnostics: vacina de antíxenos de superficie dos virus da gripe, inactivados e preparada en cultivo celular, autorizada en **adultos a partir de 18 anos**.


Administración: intramuscular no músculo deltoide.





## 5. Vacinación antipneumocócica (vacina antipneumocócica de polisacáridos)

Nesta campaña, igual que en anos anteriores, ofértase tamén a vacinación antipneumocócica para todas as persoas de 65 anos de idade ou para aquelas persoas maiores de 65 anos que non a recibiron con anterioridade.



### Composición

A vacina antipneumocócica Pneumovax 23® contén 23 antíxenos de polisacáridos capsulares purificados do *Streptococcus pneumoniae* (serotipos 1, 2, 3, 4, 5, 6B, 7F, 8, 9N, 9V, 10A, 11A, 12F, 14, 15B, 17F, 18C, 19A, 19F, 20, 22F, 23F e 33F).

### Administración

Presentación: solución inxectable en vial.

#### Vía de administración

- Preferentemente intramuscular, aínda que se pode utilizar a vía subcutánea.
- O lugar de elección é o músculo deltoide.

#### Dose

Administraráselles unha única dose de 0,5 ml, que contén 25 µg de cada antíxeno de polisacárido capsular.

## Indicacións

### 5.1 Persoas de 65 anos

Estas persoas deben recibir unha dose de vacina antipneumocócica de polisacáridos. No caso de estaren xa vacinadas fronte ao pneumococo, débese comprobar a necesidade ou non da súa revacunación.

As persoas de máis de 65 anos que non recibisen a vacina con anterioridade deberán recibir unha dose.

### 5.2 Persoas de entre 2 e 64 anos: grupos de risco

Ofertaráselles a vacinación ás persoas pertencentes aos seguintes grupos de risco:

#### Persoas inmunocompetentes con patoloxías crónicas:

- Patoloxía cardiovascular crónica.
- Enfermidade respiratoria crónica e enfermidades neuromusculares ou outros trastornos que dificulten a mobilización das secrecións respiratorias ou aumenten o risco de aspiración.
- Diabetes mellitus.
- Enfermidade hepática crónica grave.\*
- Fístulas de líquido cefalorraquídeo.\*
- Persoas con asplenia anatómica ou funcional e disfunción esplénica.\*
- Implante coclear.\*
- Antecedente de enfermidade invasiva confirmada (PCR ou cultivo) causada por *Streptococcus pneumoniae*.\*

#### Persoas inmunocomprometidas:\*

- Persoas con inmunodeficiencia de células T ou B, déficits de complemento e trastornos da fagocitose.
- Persoas con leucemia, enfermidade de Hodgkin, linfoma, mieloma múltiple ou outras neoplasias xeneralizadas.
- Infección por VIH.
- Persoas con insuficiencia renal crónica (estadio 3 ou superior) ou síndrome nefrótica.
- Receptores de transplantes de órganos ou medula ósea.

- Persoas que están a recibir terapia inmunosupresora.
  - \* Para persoas pertencentes a algúns dos grupos sinalados, a vacina antipneumocócica polisacárida administrárase preferentemente despois da vacina antipneumocócica conxugada, no caso de que as dúas vacinas estean indicadas (para consultar a instrución de vacinación antipneumocócica conxugada [prema nesta ligazón](#)).

Cabe destacar que as persoas xa vacinadas coa vacina de polisacáridos non precisan volverse vacinar, agás nas situacións recollidas na epígrafe seguinte

#### Revacunación:

- Persoas de 65 ou máis anos:

Só deberán recibir unha segunda dose no caso de teren sido vacinadas polo menos 5 anos antes e sempre e cando a primeira dose a recibisen cunha idade inferior aos 65 anos.
- Persoas de entre 2-64 anos de idade con asplenia anatómica ou funcional e persoas inmunocomprometidas:

Neste caso está indicada unha segunda dose aos 3-5 anos da primeira.

## Inmunoxenicidade e efectividade

A administración da vacina induce unha resposta tipo-específica, con aumento do título de anticorpos dentro das 2-3 semanas seguintes en máis do 80% das persoas adultas sas.

As persoas de maior idade e as persoas con enfermidades crónicas poden desenvolver títulos máis baixos de anticorpos que os adultos sans. Non obstante, as persoas de máis de 2 anos con asplenia anatómica ou funcional responden cun nivel de anticorpos similar ás persoas sas da mesma idade.

No grupo das persoas inmunocomprometidas, a resposta á vacina pode estar diminuída.

A efectividade da vacina fronte á enfermidade invasiva en estudos caso-control presenta un rango do 56-81%. En persoas inmunocompetentes de 65 ou máis anos é do 75% e no grupo de pacientes con enfermidades crónicas oscila entre un 65-84%.

## Efectos secundarios

O efecto secundario máis frecuente é a reacción local no lugar da inxección (dor, eritema, induración), que se presenta en aproximadamente un 30-50% dos casos e dura menos de 48 horas.

As reaccións locais máis severas e as reaccións sistémicas son infrecuentes, e as reaccións febrís severas, extremadamente raras.

Non se atoparon alteracións neurolóxicas tales como síndrome de Guillain-Barré tras a administración da vacina antipneumocócica.

## Precaucións e contraindicacións

- Ao ser unha vacina inactivada, non está contraindicada en situacións de inmunosupresión, aínda que os niveis séricos de anticorpos pode que non acaden valores óptimos.
- Non se debe administrar a vacina por vía intradérmica, xa que pode causar reaccións locais severas.
- Non existen datos sobre a seguridade da vacina durante o primeiro trimestre do embarazo, aínda que non se notificaron consecuencias adversas nos neonatos de nais que foron vacinadas inadvertidamente durante o embarazo.
- As contraindicacións desta vacina son as xerais para todas as vacinas, é dicir, enfermidade aguda moderada ou severa, alerxia a algún compoñente da vacina ou reacción severa a unha dose previa.

## Administración simultánea da vacina antigripal, antipneumocócica e outras vacinas

As vacinas antigripais e antipneumocócicas de polisacáridos pódense administrar simultaneamente, sempre e cando se realice en lugares anatómicos diferentes, mellorando desta forma a súa efectividade.

Así mesmo, tamén poden ser administradas simultaneamente coas vacinas sistemáticas.

Para máis información, consúltense as fichas técnicas en <http://gripe.sergas.gal>

## 6. Xestión

### 6.1 Distribución de vacinas a puntos de vacunación

#### Carga inicial

**Os centros pertencentes ao Sergas** recibirán unha carga inicial de doses sen teren que solicitala.

**Os restantes centros (hospitais privados, centros médicos privados, residencias...)** deberán solicitar a carga inicial de doses vacinais.

#### Distribución de vacinas

**As peticións deberanse efectuar antes das 14.00 horas, para poder realizar a súa tramitación.**

#### 1ª-2ª semana (19-30 de outubro)

Realizarase tres días á semana:

- **Martes:** distribuiranse as vacinas solicitadas ata o venres anterior.
- **Mércores:** distribuiranse as vacinas solicitadas ata o luns previo.
- **Venres:** distribuiranse as vacinas solicitadas ata o mércores previo.

#### 3ª-4ª semana (3-13 de novembro)

- **Martes:** distribuiranse as vacinas solicitadas ata o venres anterior.
- **Xoves:** distribuiranse as vacinas solicitadas ata o martes previo.

#### A partir da 5ª semana da campaña (16 de novembro)

- **Xoves:** distribuiranse as vacinas solicitadas ata o martes previo.

#### **NON SE SERVIRÁN ENVÍOS EXTRAORDINARIOS**

(agás en casos moi puntuais e debidamente xustificados)

## Peticións

As peticións realizaranse a través da seguinte ligazón ao igual que as restantes peticións de vacinas: [prema nesta ligazón](#)

Seleccionar a opción que proceda:

- **Centros pertencentes á rede do Servizo Galego de Saúde:** os usuarios accederán introducindo o nome de usuario e o contrasinal que utilizan habitualmente.
- **Restantes centros:** poderán acceder ao sistema mediante o certificado dixital.

Ante algunha circunstancia que impida realizar a petición por esta vía, deberá poñerse en contacto coa xefatura territorial de Sanidade.

A solicitude de doses terá que adaptarse ás necesidades reais do centro, tendo en conta as doses administradas en anos pasados, as estimacións para este ano e que nas primeiras semanas se subministrarán doses tres veces por semana.

En caso de existiren claras diferenzas entre as doses distribuídas e as rexistradas, os técnicos das xefaturas territoriais valorarán as cantidades que se deben subministrar.

**XUNTA DE GALICIA**  
CONSELLERÍA DE SANIDADE

Accesibilidade

Galego Castelán

**SERVIZO GALEGO de SAÚDE**

---

**Distribución de vacinas**

---

**Sistema de Información de Vacinas**



Sistema de información da Consellería de Sanidade e o Servizo Galego de Saúde definido polo programa galego de vacinación (PGV) para levar a cabo as seguintes xestións, dende os puntos autorizados:

- Xestión do almacenamento das vacinas por parte de puntos de vacinación públicos e privados: xestión de peticións, xestión de stock e consulta de movementos.
- Xestión do almacenamento das vacinas por parte de puntos de vacinación públicos e privados: xestión de peticións, xestión de stock e consulta de movementos.

**Se dispón de usuario na rede do Servizo Galego de Saúde pulse aquí:**

**Se accede ao sistema por certificado dixital pulse aquí:**

[Acceso usuario](#)

[Acceso certificado](#)

Consellería de Sanidade - Servizo Galego de Saúde

Xunta de Galicia

## Tipo de vacina e número de doses que se solicitarán

Tendo en conta o stock existente no centro e o número de persoas que se prevé vacinar ata o momento da seguinte entrega, estimarase o número de doses que se van precisar de:



## Vacinas antigripais

### **Vaxigrip®**

Para a vacinación das persoas menores de 75 anos non institucionalizadas.

### **Intanza 15®**

Para a vacinación de persoas de:

- 75 ou máis anos.
- 65 ou máis anos ingresadas en residencias.

### **Optaflu®**

Estas doses deberanse solicitar, vía fax ou por correo electrónico, á correspondente xefatura territorial de Sanidade, de xeito individualizado, anexando informe médico no que consten o nome, os apelidos, a data de nacemento.

## Vacina antipneumocócica

### **Pneumovax 23®**

## 6.2 Recepción das vacinas e mantemento da rede de frío

Cando se reciban as vacinas, verificarase que o tipo de vacina sexa a solicitada e que o número de doses se achega ao solicitado.

As vacinas deberán trasladarse inmediatamente á neveira, conservarse a unha temperatura entre +2°C e +8°C, evitando a súa conxelación.

A neveira debe estar dotada dun termómetro de temperatura máxima e mínima, realizando dúas lecturas diarias: á primeira e á última hora da xornada laboral, e rexistralas.

As incidencias na recepción de vacinas débense notificar á xefatura territorial de Sanidade correspondente (ver anexo III), así como toda ruptura da rede de frío, especificando a temperatura dese momento, a máxima e mínima acadadas, e o número estimado de horas de exposición ás ditas temperaturas.

## 6.3 Rexistro das doses administradas

Nos centros do Sergas, as doses administradas débense rexistrar en IANUS.

Os restantes centros rexistrarán as doses que administren vía web, igual que o resto das vacinas: [prema nesta ligazón](#)

## Campaña de vacunación antigripal 2015

**CAMPAÑA DE VACINACIÓN ANTIGRIPIAL E ANTIPNEUMOCÓCICA 2015**

**XUNTA DE GALICIA**  
CONSELLERÍA DE SANIDADE  
Dirección Xeral de Innovación e Xestión da Saúde Pública

**SERVIZO GALEGO de SAÚDE**

Campaña de vacunación antigripal e antipneumocócica 2015

Nome: ..... Data de nacemento: dd/mm/aaaa Idade: xx anos

Punto de Vacinación: --

Data: 08/10/2015

Vacina: ☒ Antigripal ☐ Antipneumocócica polisacáridos

Nome comercial: ☐ Vaxigrip ☐ Intanza 15 ☐ Optaflu

Lotes:

Grupo: ☐ Persoas con risco ☐ Persoas sen risco

☐ Embarazadas

☐ Persoal médico e en prácticas do SERGAS

☐ Persoal de enfermaría e en prácticas do SERGAS

☐ Outro persoal (auxiliares enfermaría, celadores, administrativos, outro tipo de persoal sanitario) do SERGAS

☐ Persoal sanitario de centros privados

☐ Outros grupos de risco \*

\* Os traballadores de centros sociais (residencias, centros de discapacitados...) deberán rexistrarse na epígrafe "Outros grupos de risco".

CONFIRMAR CANCELAR

**Vacinas campaña antigripal 2015**


| Editar | Punto vacunación           | Vacina                     | Data vacunación | Tipo       |
|--------|----------------------------|----------------------------|-----------------|------------|
| >      | CENTRO SAUDE - SANTA COMBA | PNEUMOCÓCICA POLISACÁRIDOS | 08/10/2015      | Vacunación |
| >      | CENTRO SAUDE - SANTA COMBA | GRIPE                      | 08/10/2015      | Vacunación |

MODIFICAR ELIMINAR

1 2

**As vacinas débense rexistrar, evitando a demora na súa informatización.**

En caso de dúbida, os centros débense poñer en contacto coa xefatura territorial de Sanidade correspondente.



Levarase un control das vacinas rexistradas, de cara a xestionar as peticións de reposición de doses vacinais

### Rexistro das renuncias

En caso de que a persoa á que se lle indica a vacunación renunciase a ela, deberase consignar sempre na epígrafe correspondente.

## 6.4 Recollida de doses sobrantes

**As xefaturas territoriais de Sanidade poñeranse en contacto cos puntos de vacunación** en xaneiro do 2016 para coñecer o número de doses de vacina antigripal e antipneumocócica que cómpre recoller no seu centro.

Os puntos que o precisen poderán quedar cun pequeno número de vacinas antigripais para completar pautas.

A información relativa a esta campaña pódese consultar na páxina web temática creada pola Dirección Xeral de Innovación e Xestión da Saúde Pública:

**<http://gripe.sergas.gal>**



**Sonia Martínez Arca**

DIRECTORA XERAL DE INNOVACIÓN E  
XESTIÓN DA SAÚDE PÚBLICA




**Ramón Ares Rico**

DIRECTOR XERAL  
DE ASISTENCIA SANITARIA










# Anexos


## Anexo I Instrucións de uso da vacina intradérmica (Intanza 15®)



### 1. Retirar o tapón da agulla

Retirar o tapón da agulla do sistema de microinxección.


**Non purgar o aire a través da agulla.**



### 2. Suxeitar o sistema de microinxección entre o polgar e o dedo corazón


Suxeitar o sistema colocando soamente os dedos polgar e corazón sobre a zona de suxeición; o dedo índice non se apoia.

**Non colocar os dedos sobre a fiestra.**




### 3. Introducir a agulla rapidamente perpendicular á pel

Introducir a agulla perpendicular á pel, na zona do deltoide, nun movemento curto e rápido.



#### 4. Inxectar usando o dedo índice

Unha vez que a microagulla se introduciu, manter unha leve presión na superficie da pel e inxectar usando o dedo índice para presionar sobre o émbolo. Non é necesario aspirar antes de administrar a vacina.



#### 5. Activar o protector da agulla presionando con firmeza sobre o émbolo

Retirar a agulla da pel.

Manteña a agulla afastada de vostede e das persoas que están ao seu redor.

Coa mesma man, presione con firmeza co polgar sobre o émbolo para activar o protector da agulla.

Oirá un clic e un protector aparecerá para cubrir a agulla.

Eliminar inmediatamente o sistema no contedor disposto para ese efecto.

Considérase unha inxección correcta tanto se aparece como se non aparece pápula.

En caso de presenza de líquido no lugar da inxección logo da administración da vacina, non é necesario revacinar.



## Anexo II Coordinadores/as das xerencias de xestión integrada

### A Coruña e Cee

**Alfredo Silva Tojo / Gerardo Barreiro Pombo**

Tel.: 981 219 108

Fax: 981 219 114

Correo electrónico: alfredojose.silva.tojo@sergas.es

### Ferrol

**Esther Vidal Maroño**

Tel.: 981 334 018

Fax: 981 334 015

Correo electrónico: esther.vidal.marono@sergas.es

### Santiago de Compostela-Barbanza

**Carmen Portals Coto**

Tel.: 981 950 480

Fax: 981 950 464

Correo electrónico: maria.carmen.portals.coto@sergas.es

### Lugo, Cervo e Monforte de Lemos

**Ángeles Dono Díaz**

Tel.: 982 296 692

Fax: 982 245 544

Correo electrónico: maria.de.los.angeles.dono.diaz@sergas.es

### Ourense, Verín e O Barco de Valdeorras

**Montserrat Souto Pereira**

Tel.: 988 066 439

Fax: 988 385 531

Correo electrónico: montserrat.souto.pereira@sergas.es

### Pontevedra e O Salnés

**Dolores Otero Alarcón**

Tel.: 986 807 011 / 649 475 785

Fax: 986 807 093

Correo electrónico: maria.dolores.otero.alarcon@sergas.es

### Vigo

**Belén Vázquez Pacheco**

Tel.: 986 816 465 / 986 816 470

Fax: 986 276 416

Correo electrónico: belen.vazquez.pacheco@sergas.es

## Anexo III Xefaturas territoriais da Consellería de Sanidade

### A Coruña

Tel.: 981 155 822 - 981 082 261  
Fax: 981 155 725  
Correo electrónico: corunavacinas.dlpc@sergas.es

### Lugo

Tel.: 982 292 117 - 982 292 113  
Fax: 982 292 115  
Correo electrónico: xtlu\_vacinas@sergas.es

### Ourense

Tel.: 988 066 347 - 988 066 332  
Fax: 988 066 302  
Correo electrónico: vacinas.sanidade.ourense@sergas.es

### Unidade de Pontevedra

Tel.: 986 885 826 - 986 885 824  
Fax: 986 885 802  
Correo electrónico: vacinas.delegacion.pontevedra@sergas.es

### Unidade de Vigo

Tel.: 986 817 724 - 986 817 233  
Fax: 986 817 627  
Correo electrónico: vacinas.delegacion.pontevedra@sergas.es

A información relativa a esta campaña pódese consultar na páxina web temática creada pola Dirección Xeral de Innovación e Xestión da Saúde Pública:

**<http://gripe.sergas.gal>**

